

فيديو # ٩٩ من مقاطع حظر التجول تدبر سورة مريم # ٩ الآيات:

٤٨-٤٧

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعة وسبعين من مقاطع حظر التجول والمقطع رقم تسعة من مقاطع سورة مريم آآ اعتذر على العطل الفني اللي حصل مع الاخوة بتوع اليوتيوب. وآآ اضطررت ان انا اغير الرابط. للاسف الشديد. خليني على ما الناس - 00:00:06

اقرا لكم رسالة جات لي النهاردة واسعدتني جدا جدا على تويتر آآ جا لي الرسالة دي النهاردة السلام عليكم مهندس فاضل مش عارفة حضرتك هتشوف الرسالة دي ولا لأ بس حسيت اني لازم ابلغك. انا فلانة سنى واحد وعشرين سنة. من فترة قريبة كانت -

00:00:36

بتجييلي افكار الحادية ووسوسة ورغبة عارمة في الانتحار. وصلت لمرحلة صعبة جدا وانا اصلا بعاني من مرض ولما فاض بي حكيت لصديقي عن حالتي فارسلت لي حلقة لك بعنوان القرآن ينتصر مرة اخرى. اللي فيه ذكرى وعبرة - 00:01:00 الثالثة واذ بي اتفاجأ ان قصة البنت مريم نسخة مني بادق التفاصيل فقررت اعمل زي ما حضرتك قلت لها تدبر القرآن. والتربية الایمانية وكتابة توازن التربوي بتاع الدكتور مجدي الهلالي. وبصراحة - 00:01:22

ما كنتش متوقعة نتيجة ملموسة في حالتي بس من اول ما بدأت وانا حاسة براحة وتحسن كثير عن الاول وبدأ ينبت في قلبي يقين ان القرآن هو الحل. لاني بقىت اول ما بابعد عنه باتعب ومش عارفة ازاي حصل - 00:01:41 السرعة دي بس انا اتغيرت للاحسن بكثير وكتير من الدوشة اللي جوايا هديت وان شاء الله مكملة حقيقي شكرا جدا. انا مش بقول لكم الكلام ده عشان خاطر تسقفوا لي. لأن - 00:02:01

انا بقول لكم الكلام ده عشان احنا اول ما بدأنا برنامجه التدبر اليومي بتاعنا مقاطع حظر التجول. كنا حوالي الفين الى الفين وخمسينية شخص كل يوم بيتابعوا الفيديو يوميا على اليوتيوب الفين وخمسينية - 00:02:16

اه العدد ده النهاردة بقى حوالي اربعة الاف وخمسينية بعد ميت يوم بكرة ان شاء الله احنا هنحتفل وعايز بقى احلى صور بقى التورات ورقم مية وبنفع بكرة بالليل. احنا عايزين نجذب اكبر عدد من الناس معنا - 00:02:33

واحنا مش بنجيب الناس على حاجة وحشة احنا بنجيبيهم معنا يأكلوا معنا بندوقهم على مائدة القرآن. لو النبي صلى الله عليه وسلم حضر النهاردة وشافنا واحنا بنعمل اللي بنعمله ده. هيفرح بنا ولا لأن - 00:02:48

آآ آآ ندعوا الاخرين لتدبر القرآن معنا ونجيب اكبر عدد معنا. خلينا نبدأ بقى ان شاء الله النهاردة قلنا احنا النهاردة في المقطع رقم تسعة وسبعين من قطع حظر التجول والمقطع رقم تسعة من مقاطع مريم - 00:03:04

آآ سبحان الله ان شاء الله بكرة يكون المقطع رقم مية من مقاطع حظر التجول عشرة مريم واخر مقطع في مريم ثم نبدأ شعراء بازن الله بعد كده. كل واحد بقى يكون معه مصحف بافكركم بالمصاحف - 00:03:20

اخراية تدبرناها امبارح كانت الاية ثلاثة وسبعين في سورة مريم. شفنا بعد عرض عذاب هم الجماعة الكفار في جهنم ربنا بيفكرنا بالله هم عملوه في الدنيا من العناد والتکذیب لآيات الله والتكبر - 00:03:37 تعالى على المؤمنين في الدنيا. اقرأ معي ثلاثة وسبعين عشان نسترجع واعوذ بالله السميع العليم من الشيطان الرجيم اذا تتلى عليهم

اياتنا بيئات قال الذين كفروا للذين امنوا. اي الفريقين خير - 00:03:55

خير مقامه واحسن نديا. يعني لما كانت تتلى عليهم ايات ربنا بوضوح الكفار كانوا يقولوا للذين امنوا ها لو كنتم انتم على حق واحنا على باطل ليه احنا احسن منكم من التواحي المادية - 00:04:15

ليه احنا قعداتنا احسن بيتوتنا احسن ؟ آآلاندية بتاعتنا انضف اقرا بقى اربعه وسبعين وشف القرآن بيبطل الحجة بتاعتهم دي ازاي اربعه وسبعين. بداية التدبر بتاعنا النهاردة وكم اهلكتنا قبلهم من قرن هم احسن اثاثا ورئيا - 00:04:35

يعني هم بيتنططوا عليكم ويقولوا لكم ها بصوا احنا عاملين ازاي والفخفة اللي احنا فيها والفلوس اللي معنا والبيوت بتاعتنا شكلها عامل ازاي والقصور والكلام ده كله فربنا بيقول طب واحنا اهلتنا قبلكم اقوام قد ايه - 00:05:00

بيوتهم كانت اشيك. احسن واثاثا ورؤية ومنزرهم كان انضف كمان ها ايه رأيك يعني انتم كده بتتمنظروا بالمنزه بتاعكم دول كانوا اشيك منكم وانضف منكم واحسن منكم وكل حاجة واهلكناهم - 00:05:16

هم قالوا ايه ؟ اي الفريقين خير مقاما واحسن نديا؟ شوفوا احنا عايشين ازاي في فخفة ها آآيبقى اكيد احنا اللي صح القرآن قال لهم افتكرروا قوم عدو ثمود وصالح ولوط كانوا اشيك منكم منظرهم احسن من مناظركم. بس خلاص وقعت حصل فيهم ايه - 00:05:32

كانوا هم على باطل وربنا عاقبهم. طيب طب ما كده مخنا بدأ يتسائل ازاي الناس ضالة وربنا بيديهم ماديات بتاعة الدنيا وبيديهم فلوس وقوة ممكن يكون مدיהם فلوس وقوة اكتر منا كمان اكتر - 00:05:52

طبعا القرآن اراك دلوقتي وقرأ افكارك وبيجاوبك بقى في الاية خمسة وسبعين. بص خمسة وسبعين قل من كان في الضلاله فليمدد له الرحمن مد حتى اذا رأوا ما يوعدون اما العذاب واما الساعة فسيعلمون. من هو شر مكانا واضعف جندا - 00:06:15

يعني كل من كان في الضلاله فليمدد له الرحمن مد. اللي اختار الضلال ربنا بيهد له وبمستدرجه الفلوس وبالقوة وبالسلطة. في سورة الانعام الاية اربعة واربعين. ربنا بيقول فلما نسوا ما ذكروا به لما نسيوا وتركوا - 00:06:39

القرآن والتوراة والانجيل والكلام اللي ربنا ذكرهم به ده فتحنا عليهم ابواب كل شيء حتى اذا فرحوا بما اتوا اخذناهم بغترة فاذا هم مبلسون المجرم لما ربنا يعطيه مال وقوة وسلطة ربنا بيستدرجه عشان يفرح بها ثم بينزل عليه عزاب ربنا. نرجع للاية خمسة وسبعين في سورة مريم تاني - 00:07:01

قل من كان في الضلاله فليمدد له الرحمن مد. حتى اذا رأوا ما يوعدون اما العذاب واما الساعة فسيعلمون من هو شر مكانا واضعف جنده. اللي بيختار الضلاله ربنا بيهد له مد وبيعطيه اكتر - 00:07:29

لغایة ما يتحقق وعد ربنا. اما العذاب في الدنيا زي الامم البائدة امة صالح وهود وثمود وعاد وام طلوط وكل وامة نوح اما الساعة اما العذاب في الدنيا واما الساعة واما يؤخر عجبهم ليوم القيمة. واما العذاب في الآخرة - 00:07:45

ساعتها هيعرفوا مين اللي موقفه او حشر واضعف ؟ فسيعلمون من هو شر مكانا واضعف جندا هم ولا المؤمنين سؤال بقى يعني اللي بيقى مادي ربنا يعطيه اكتر في الدنيا طيب ما هو ده في حد ذاته مكافأة حتى لو كانت استدرج مؤقت لكنه تمنع في الدنيا. لا مش حقيقي برضه ازاي ؟ سورة طه احنا - 00:08:09

تدبرنا فيها الاية مية اربعة وعشرين في سورة طه ومن اعرض عن ذكري فان له معيشة ضنكـا. ونحشره يوم القيمة اعمـي. اللي ربنا ادى له معيشة ضنكـا ده ربنا ادى له فلوس وقوة وسلطة عشان تبقوا عارفين - 00:08:38

ما فيش سعادة الهدف من المال ايه ؟ يحقق لك السعادة. والقوة والصوت تحقق لك السعادة. ايه قيمة انك تبقى في السلطة ومش قادر تطلع في البكونة قيمة في السلطة وحتى لما تيجي تتكلم مع اقرب الناس لك انت خايف منهم وحاطط ازار واقـي من الرصاص ايه قيمة ده ما فيش سعادة - 00:08:56

ومن اعرض عن ذكري فان له معيشة ضنكـا. لا تعارض معه ان ربنا يفتح عليهم ابواب كل شيء وضربنا مثل بالمليونيرات والمليارديرات. اللي انحرروا ورموا نفسهم قدام القطر عشان يتفرموا - 00:09:17

رغم وجود كل شيء في متناول أيديهم، شباب وفلوس وجمال وكل حاجة. امال ايه ما فيش هنا ما فيش سعادة اقرا ستة والله العزيم الجماعة الكفار دول لو علموا اللي احنا بنشعر به واحنا بنتدبر القرآن لقاتلونا عليه بالسيوف - 00:09:37

لو داقوا ده مش هيسيبوه اقرا ستة وسبعين عشان نشوف هل ربنا بيزود المهددين بحاجة ولا هو بس الكفار اللي عمال يديهم ستة وسبعين. ويزيid الله الذين اهتدوا هدى والباقيات الصالحات خير عند ربك ثوابها وخير مردا - 00:10:02

اما اللي بيختار الهدى ربنا بيزيده هدى فوق هداه اخترت القرآن يدلك على التدبر هدى فوق الهدى اخترت تعمل آآ تستغل لدين ربنا يدلك على ناس تساعدك وتعمله مع بعض عمل يفید دین ربنا فیهديک فوق الهدید - 00:10:29

اخترت تعمل لخدمة الناس والقراء فيدلك على طريقة نافعة تنفعهم بها ويزيid الله الذين اهتدوا هدى ويزوودك في نفس المجال اللي انت مهتدي فيه. ليه والباقيات عشان خاطر تكترا اعمالك الصالحة. والباقيات الصالحات خير عند ربك ثوابا وخیر - 00:10:52

مرد عشان اعمالك الصالحة تزيد. وثوابك يتضاعف ويرد لك بأفضل منه. اعمالك الصالحة ربنا سماها والباقيات الصالحات هي الاعمال الصالحات باقيات. فربنا سماها الباقيات الصالحات. ليه؟ لأن الفلوس والقوة والسلطة مش باقية. بتروح - 00:11:20

بتروح اعمالك الصالحة هي البقية ايه اللي ربنا بيوففك لعملها؟ تاخد عليها ثواب ثم ترد لك وخیر مردا. وترد لك بأفضل منها ومضاعفة لكن الفلوس والقوة والسلطة اللي بيديها للكفار بتزودهم سبئات. لأنهم بيسيئوا استخدامها - 00:11:41

ده مش معناه ان المسلم يتوقف عن محاولات اكتساب الوسائل المادية والوصول للفلوس والقوة والسلطة. لكن ما تتحولش الى الة نعبدها لازم تفضل وسائل لتحقيق الخير وتحقيق ما امر الله به. انت بقى معك فلوس عشان تساعد الناس - 00:12:07

انت معك سلطة تحقق العدل. انت عندك قوة تساند الضعيف. هو ده هي اختبارات كلها قارن ده بقى بالاية بتاعة سورة الكهف ستة واربعين اللي خدناها الشهر اللي فات. المال والبنون زينة الحياة الدنيا - 00:12:26

والباقيات الصالحات خير عند ربك ثوابا وخیر املا هنا ويزيid الله الذين اهتدوا هدى والباقيات الصالحات خير عند ربك ثوابا وخیر مردا. وقلنا هناك املا لما جت مقرونة بالبنون لأن انت بتخلف عيال هم املك في الحياة يسندوك لما تحتاجهم في المستقبل وتتعب في اخر عشرة - 00:12:43

خمسة عشر سنة من حياتك الاعمال الصالحة اللي انت بتخلفها وبتنجها زي ما بتنج عيال هي الباقيات الصالحات اللي هي املك في المستقبل ولكن في الاخرة مش في اخر عشرة خمسة عشر سنة - 00:13:10

فهي خير ثوابا وخیر امنا في الكهف. خير عند ربك ثوابا وخیر مردا في مريم. عشان الناس اللي بتحفظ عاوزين نقرأ بقى خمسة وسبعين وستة وسبعين ونلاحد صيغة الدعاء وكان الله بيأمر النبي بمباهلة الكفار. بص - 00:13:26

يعني ايه المباهلة؟ يعني يدعوا دعاء بشكل عام على اللي في الضلاله ايا كان هم مين احنا او هم. ويدعوا بشكل عام للمهتدين ايا كان مين احنا او هم. اسمع كده - 00:13:50

كل كل يا محمد من كان في الضلاله سواني احنا او اي انت فليمد له الرحمن مدي. حتى اذا رأوا ما يوعدون ان العذاب واما الساعة. فسيعلمون من هو شر مكانا واضعف جنده. مش - 00:14:06

قالوا لنا بصوا احنا احسن منكم ازاى! اكيد احنا اللي على حق! ربنا بيقول له قل لهم سواء احنا او انت يا رب اللي في الضلاله ربنا يمد له لغاية ما ياخد على دماغه في الدنيا او في الآخرة. ويعرف مين اللي شر مكانا وشر آآجن. واضعف جندا. ويزيid الله الذين اهتدوا هدى - 00:14:22

ويارب اللي على هدى سواء احنا او انت ربنا بيزوده هدى فوق الهدى. ويزيid الله الذين اهتدوا هدى. والباقيات الصالحات خير عند ربك ثوابا وخیر مردا. ها ادعوا الدعاء ده معنا. ها ده اسمها المباهلة - 00:14:42

الغيب ان اتخذ عند الرحمن عهدا العاصي ابن وائل للأسف ابو سيدنا عمرو بن العاص كان عليه فلوس لسيدنا خباب ابن الارادة. خباب ابن الارتس ده احد الصحابة كان بيصنع سيف فعمل سيف مرصع بالحجارة الكريمة - 00:15:00

الكلام ده لل العاصي ابن وائل. وبعدين راح يطلب منه الفلوس. انت يا عم ما تدفعش فلوسه عليك ليه قال له انا عرفت انك اسلمت اه ده

ايه علاقته بالبيزنس انا عرفت انك اسلمت عايز ايه ؟ قال له تكفر بمحمد اسد لك الفلوس اللي علي. بلطجة - 00:15:24
بلطجة هم بلطجية سيدنا خباب قال له انا اكفر بمحمد ان شاء الله ابقى قابلي. عارف هكفر به امتي ؟ لما انت تموت وتبعد ابقي
تشوفني بقى باكفر ساعات اهو - 00:15:42

قال لك اغايظه هو شكلها كده بلطج على الفلوس خلاص! ما فيش فلوس! فعلى الاقل ايه اغايظه قال له لو انا مت وبعثت فعلا يعني لو
فيه فعلًا بعد الموت زي ما انت بتقولوا - 00:15:58

آاه هيبيقي اكيد عندي فلوس وعزوة ورجاله وهابي اسد لك ساعتها من الفلوس اللي بتبقى عندي في الجنة قارن دي باية الكهف
صاحب الجنتين النورسيست لو فاكرين الانسان اللي عنده نرجسية قال ايه. وما اظن الساعة قائمة. يا عم ما فيش ولا ساعة ولا بعد -
00:16:12

ولكن لو حقيقي ولين ردت الى ربي لاجدن خيرا منها منقلبا انا ابن ناس. انا جزء من تكويني ان انا غني. انا لو فعلًا في بعث وحساب
انا اكيد داخل الجنة واكيد هيبيقي عندي فلوس اكتر من اللي عندي في الدنيا - 00:16:37

كلا سنكتب ما يقوله اقرأ معي تسعه وسبعين كلام سنكتب ما يقول ونمد له من العذاب مدا. ونرثه ما يقول ويأتينا فردا هو بيدعني ان
سلطته قوله ممتد للآخرة كمان مش هيحصل كفره ده وسخريته دي هي اللي هتكتب - 00:16:58
وهي اللي هتسجل سنكتب ما يقوله. هو قال ايه ؟ عشان نفتر تاني. ارجع للایة سبعه وسبعين تمانية وسبعين. افرأيت الذي كفر
بالياتنا ما قالش اسم ربنا ليه ؟ العاصي ابن وائل مش مهم العاصي ابن وائل. ليه ؟ عشان دي عامة. ده نموذج بس للكفار كلهم كده -
00:17:24

افرأيت الذي كفر بالياتنا وقال لاوتين مالا وولدا اطلع الغيب ام اتخذ عند الرحمن عهدا. هو عارف الغيب؟ عارف ان هو كده هيبيقي
غنى في الآخرة؟ ولا هو ربنا باعت له جواب ولا باعت له عهد عشان خاطر - 00:17:45

بيقول له ده الاستيتمنت بتاعة الفلوس بتاعتك في الآخرة عندي كلام سنكتب ما يقول ونمد له من العذاب مدا. اللي بيقوله ده هو اللي
هيتكتب بدل الفلوس الكبير اللي هو فاكر انها ممتد للآخرة - 00:18:01

عقابه على الكلام ده هو اللي ممتد للآخرة هو ده اللي هيئاله في الآخرة. كلام سنكتب ما يقول ونمد له من العذاب مدا. ونرثه ما يقول.
هيورس هيورس ايه اللي قاله - 00:18:19

الواحد بيرث يعني بيأخذ من حد حاجة نتيجة الموت. لكن انت بتترث هترث ايه بقى؟ هتورث من نفسك عاقبة الكلام اللي انت قلته
في الدنيا والساخرية بتاعتك. ويأتينا فردا. اه - 00:18:36

ما هو كان بيقول لك انا جاي عندي ولاد وعزبة وعزوة مش كده يا ولد انا معي عزوة هتيجي فردة هتيجي لوحدك ما حدش جاي
معك وما حدش هييجي يدافع عنك ولا حتى يواسيك - 00:18:54

عليك وانت بتاخذ على دماغك يأتينا فردا بيجي بطوله ما عهوش حد طيب واحد وثمانين معي. واتخذوا من دون الله الهة ليكونوا
لهم عزا عبدوا من دون الله الهة اخرى عشان يمنوحهم العزة والغلبة والانتصار والفوز والقوة - 00:19:09

ناس عبدوا المسيح وناس عبدوا بوزة. وناس عبدوا الاصنام وناس عبدوا المال وناس عبدوا السلطة وناس عبدوا القوة. وناس عبدوا
العلم اقرأ اتنين وثمانين. كلام سيفرون بعبادتهم ويكونون عليهم ضدا - 00:19:35

مش هيئالوا لا العزة ولا الفوز ولا الغلة ولا الانتصار ولا حاجة كل هذه الالهة المزيفة ستنتقلب عليهم وسيفرون بعبادتهم. يعني
هيتنصلوا من العبادة بتاعة الكفار لهم. وهيقولوا لهم مين اللي طلب منكم تعبدونا اصلا - 00:19:55

سيفرون مش الكفار. الالهة هي اللي هتکفر بعبادتهم لهم. وفي تفسير اخر الكفار نفسهم ساعتها هيکفروا. لكن الاولى والاضبط هنا هو
ان الالهة دي الالهة المفترضة دي اللي هم اتخدوهم - 00:20:14

سواء هم ناس محترمين زي السيد المسيح مسلا او او غيره لكن لكن او الالهة مخترعة هيقولوا مين طلب منكم اصلا ان انت تعبدونا؟
سيفرون بعبادتهم ويكونون عليهم ضدا. وهيتراشقوا معهم في الكلام وهيتحانقو معهم - 00:20:30

افتكر الاية في سورة الكهف اتنين وخمسين. ويوم يقول نادوا شركائي الذين زعمتم. يومها هيتفقال لهم هيتفقال الكفار اندهوا الشركاء بتوعي اللي انتم زعمتوا منهم شركائي واشركتموهم بي فدعوهم يا سيد المسيح تعال يا بوزة تعال يا فلان يا كل واحد بيته على الله اللي كان بيعبده - 00:20:48

فلم يستجيبوا لهم وجعلنا بينهم موبقا. فاكر سورة الكهف؟ نفس هي هي بس الصياغة اخرى في سورة مريم مش هيستجيبوا لهم بل هيكتروا بهم وهيحصل تراشق بينهم ويحصل خناقة بينهم. الم تران اقرا بقى معى - 00:21:17

ثلاثة وثمانين واربعة وثمانين ما خلص خلاص. المتران ارسلنا الشياطين على الكافرين تؤزهم اذا فلا تعجل عليهم انما نعد لهم عدا مش شفت اني ارسلت الشياطين على الكافرين تشجعهم وتجرأهم على المعاصي - 00:21:35

ما تستعجلش الطبخة بتتسبيك. فلا تعجل عليهم انما نعد لهم عدة. ربنا بيعد لهم العذاب. اعداد بقى بتاع ربنا هنا في نقطة مهمة او اي هنا في شبهة خطيرة. ازاي ربنا اللي بيضل الناس وهو اللي بيبيع الشياطين طب دول زنفهم ايه دول الغلابة! ما هو برضه ما قدروش على الشياطين - 00:21:59

لازم نفهم النفس البشرية كويس جدا. ركزوا بقى معى او ايه ربنا خلق كل نفس بشريه جواها كوامن الخير وكوامن الشر. جوة كل واحد فيما حتى سيدنا محمد عليه الصلوة والسلام عشان تبقو عارفين - 00:22:24

ورينا خلق ملائكة تحثنا على الخير وشياطين تحثنا على الشر واعطى كل واحد مننا القدرة على تزكية نفسه يعني تنضيف نفسه تطهير نفسه او توسيخ نفسه وتدينيس نفسه وتدسية نفسه. فين الكلام ده؟ في سورة الشمس - 00:22:46

ونفسي وما سواها ربنا بيقسم بالنفس اللي خلقها وبنفسه هو وما سواها فالهمها فجورها وتقوتها. كل واحد فيما جواه الفجور وجواه التقوى في نفس الوقت قد افلح من زكاها نصف نفسه وقد خاب من دسها - 00:23:13

يعني ربنا يعلم ما مستفعل اه. لكنه ربنا وراك الطريق الصحيح ووراك الطريق الخاطئ وقال لك ده الطريق الصحيح وآخره الجنة وقال لك ده الطريق الغلط وآخره النار. وقف لك ملائكة على جنبي الطريق الصحيح تشاور لك وتشجعه - 00:23:39

وتقول لك تعالى امشي هنا وقف لك شياطين على جنبي الطريق الخاطئ تشجعك عشان تمشي تؤزهم ازة وانت بكامل حرمتك بتختار الطريق والطريقين متوصلين بكماري. في اي لحظة ممكن تغير رأيك وتاخد كوبري ينكلك من الطريق ده للطريق ده او من الطريق ده للطريق ده. في اي وقت - 00:23:56

فما حدش يستغل الايات دي عشان يضحك عليكم ويقول لكم طيب ما هو ربنا اللي خلى الشياطين تؤزكم ازا. لا يا حبيبي احنا الايات بتاعة سورة الشمس واضحة جدا للكل انسان فينا مسؤول مسؤولية كاملة عن اختياراته - 00:24:20

انت انت مخلوق مختلف عن اي مخلوقات اخرى. نتوقف هنا النهاردة وبكرة بازن الله هنتحفل بالحلقة رقم مية. اعملوا يا جماعة احتفالات بقى على اي هاشتاج تدبر القرآن وحطوا بقى صورة تورتة ويلا النهاردة الحلقة رقم مية وادعوا الناس انها تيجي هنبدأ سورة الشعراء ان شاء الله ابتداء من بعد بكرة - 00:24:43

وآآبارك الله فيكم. كده احنا داخلين على ثلاث اجزاء على فكرة. احنا قربنا نخلص تلات اجزاء بفضل الله. اسأل الله العلي العظيم ان يجعل القرآن رببع قلوبنا ونور صدورنا وجلاء احزانا وذهاب همومنا ومغفرة ذنبينا. اسأل الله ان يجعل هذا التدبر في - 00:25:03

ميزان حسناطي وحسناتكم. اللهم انك تعلم ان هذه القلوب قد اجتمعت على كتابك. واجتمعت على محبتك. والتقت يا ربنا على طاعتكم وتوحدت على دعوتك وتعاهدت على نصرة شريعتك فوثق الله رابطتها وادم ودها - 00:25:23

واهدنا سبلها واملاها بنورك الذي لا يخبو واشرح صدورها بفيض الایمان بك وجميل التوكل عليك واحببها يا ربنا بمعرفتك وامتها على الشهادة في سبيلك انك نعم المولى ونعم النصير والسلام عليكم ورحمة الله. ونراكم غدا باذن الله ان كنا من اهل الدنيا - 00:25:43

00:26:07 -